



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Practica Theologiae Mysticae

Gelen, Victor

Coloniae Agrippinae, 1652

Articulus Decimus. In ariditate vim irascibilem per actus rectae intentionis,
& resignationis excitandam esse.

urn:nbn:de:hbz:466:1-9766

qui virtutem suam amatiam in spiritu supra sensualitatem per amorem operantem diuinæ voluntati penitus subiectam, promptam & vnitam habent: ita quod secundum diuinum beneplacitum pauperes esse sciunt, omni terrena consolatione, tactu, sensione, & sapore priuati: & in hoc solo posse consolari, quod Deum amant purissimè amore intellectuali, qui solus amor verus est. Quod, inquam, omnes virtutes, & omnem iustitiam perficere norunt ad honoren Dei, nullam aliamensionem, vel oblationem querentes.] Porro quæ operatio potissimum prosit in derelictione, aut interna ariditate constituto, hic consequenter dicemus,

In ariditate vim irascibilem per actus rēctae intentionis, & resignationis exercitandam esse.

ARTICULVS DECIMVS.

Triplici modo solet homo circa apprehensionem boni sese habere; Primò directè, & cum ex naturali impetu bonum appetit virtute cōcupisci-
bili. Verum ne bonum accessu mali, aut minuatur, aut depereat, virtute irascibili omne nocuum, vt potest, diligentius abigit: quia verò in utroque modo excessus committi potest, virtute rationabili inquirit, & dijudicat, ne aut bonum improportionatū constrin-
gat, aut in propellendo malo, vel negligenter agat, vel nimium laborem fru-

stra insumat. quia verò, cum sensibili deuotioni tenebroſa nox aridi cordis, & affectus successerit, aut virtus in arduo sita pusillanimitatem incusserit, mirum in modum solet animalis homo conturbari, libros evoluere, consilium importunius vrgere, & nihil non atten-
tare, forte etiam ad-nescio quam non tepiditatem, quasi auxilijs præsentiam Dei continuantibus, destitutus foret, diffluere: Hinc longè aliter diuinorum amans virtute rationali armatus, sentit cum Propheta psallente: Meditatus ^b sum nocte cum corde meo, & exercitabar, & scopebam spiritum meum. ac si diceret, quando nox, & tenebræ interiores me vndique inuaserunt, & aridum, ac diuinο gustu alienum me fece-
runt; non ideo otio detentus fui, aut aliud utile non assumpsi; sed dura & molesta fricatione, non per vim concupisibilem, sed per vim irascibilem mihi ipsi indignans, humilitate, patientia, & resignatione omnes animæ tentatio-
nes, cupiditates, ac desideria varia ad instar pulueris abstensi; sciens hanc oc-
cupationem non minus Deo gratam, quam mihi vtilem esse. At si omni di-
ligentia adhibita, nihilominus distra-
ctio, tentatio, vel ariditas perseuerent:
(frequenter enim contingit, vt meditans propria concupiscentia abstractus, & illeactus, & mundana imaginatione à seipso diuisus, usque adeò intumuerit, vt sensibili deuotioni, ne tantillus qui-
dem in interiori locus supersit) tum hu-
mili resignatione, & subiectione in di-
uinum

a Gers. Theol. myst. cons 42. b Psalm. 76.

uinum beneplacitum aliquid vtilius prouidente, sese inclinet, offerendo scilicet Deo bonam voluntatem, & sincerum animum, saltem res pias, diuinas, & virtutes laudantem; ac ita tenaciter Deo adharentem, vt quandoquidem Deum non possit habere, etiam aliud aliquid, qualemque illud extra Deum sit, nec admittere multoque minus possidere velit: Singulariter autem ex corde Deo Opt. Max. fauac totum, quod ipse in unitate, & Trinitate, in æternitate, & tempore, intra & extra se possidet, regit & gubernat; inde complacentiam sumens, quod esto ipse miser sit, & indignus, qui Dei præsentia, & solatio fruatur; hoc ipsum tamen nihil Deo noceat, nec ipsius gloriam minuat, iuxta illud Prophetæ: *a* Tu autem Domine in sancto habitas, laus Israël. Laudent te cœli & terra, & omnia quæ in eis sunt. & certè similibus actibus internam erga Deum dilectionem ariditatis & delolationis tempore, hilari animo fovere, magnam spiritualis profectus spem facit. [non enim inuenitur verius signum *b* boni hominis, quam si inter ætumnas fert dulcedinem mentis, ex frequentia sobriæ lœtitiae, & exultationis.] quin imò Deo per amorem summum Bonum quod ipse est, optare, est actus, quo maior non potest cogitari. & hinc sequitur, quod Deum amare sit facillimum, cum amare nihil sit aliud, quam velle alteri bonum eo fine, ut ipsi bene sit; licet ipse volens alteri bonum, non percipiat simul oblectationem sensibilem.

a Psal. 21. b Orig. sup. Cant. apud Harph. l 3. p. 1. c. 6.

Quia verò subinde spiritualis tædij abyssi apertæ videntur, ita, vt in terra deserta & inuia, & in aquosa vagus & profugus aberret ab eo, quem diligit anima eius, absque ullo etiam bona voluntatis, aut resignationis gustu egrediatur, & ingrediatur; adhuc tamen in tanta rerum vicissitudine recta intentione supereſt. Eapropter si in interiori suo penè illaqueatus, simplici, & plana via procedere cupiat; si in tenebris interioris cæcutiens lumen appetat, si in multis periculis securus euadere habeat, præ cæteris exercitijs, in omni exteriori, & interiori molestia, ad rectam intentionem procumbat oportet, ac dicar: O Benignissime Deus, cum omnis inordinationis molestia in me declinauerit, in tantum, vt nec bonam voluntatem, nec actum resignationis corde sincero proferre valeam; ad minus offero tibi hanc mei-ipsius vilitatem, qua saltem adhuc cognosco me indignum, ut quodvis bonum peragam; sit ergò rebellio in voluntate, sit in amore tædij horror, sit ad pietatis, & virtutis studium auersio; habes, quem offero oculum, & notitiam, qua video hæc mala interioritatis meæ; Tu ô piissime Domine oculum mentis meæ, & te esse intentionis, qua in hisce omnibus tuum beneplacitum intueor, conforta; vt ille simplex manendo, totum corpus lucidum faciat; hæcque mea afflictio tibi in laudem, & gloriam cedit.

Incipientibus ergò, & proficientibus sincero animo, & fideli exercitio mortifici-

tificationis, diuinis considerationes prosequentibus, omnia perquam facilita euenient. virtute quidem concupiscentiili excitata, dilatato corde viam mandatorum Dei percurrent; at virtute irascibili, dum tristis, & amara gustatio subeunda fuerit internæ desolationis, actibus resignationis, & maximè actibus contemptus, & odij suipius, omne otium, & torporem animi excutient; benignèque iugum Domini suaue, & onus leue experientur. sicut enim crux quantumcunque magna, & alta fuerit in fundo, & loco suo stans, non ponderat, & paucō labore huc illucq; mouetur, ita Deo se resignantem, & seipsum reprehendente non contrastabit, quicquid acciderit ei; at toto se percipiet, dicerque; Indignatio mea a ipsa auxiliata est mihi: eo quidem facilius, quo b[sola ira inter omnes animæ passiones, nullā aliam passionem contrariam habens,] semper feruenti Mysticō ad manum est; vt per amotionem mali Deo adhæreat. Virtute autem rationali per rectam intentionem, [quæ est motus, quo c voluntas vult ea, quæ sunt ad finem, & quo intendit finem;] Deo non solum adhæredit; sed etiam per rectam [intentionem, d qua dirigitur ad Deum, clamabit ad Deum.] ac eriam quia [intentio e mentis propriè est auctus voluntatis, secundum quod in ea est vis intellectus ordinantis:] secundum optimam partem [cūlcer rationalem, sem-

per Deo vnitus erit. quod quidem maximè consolatorium est, toties, quoties non tantum pius animus Dei amicabili præsentia destituitur; sed etiam quoties grauiter varijs concupiscentijs molestatur, aut etiam indicibilem in bonis actibus exercendis, nauseam subire cogitur.

Acquiescas ergò pia anima, si aliud non possis, quam saltem tibi optare bonam voluntatem; nam [desiderium tuum, oratio tua: continuò desiderasti; continuò orasti: & fit desiderium contemplativa oratio. non enim dicit frustra g Apostolus, sine intermissione orantes. nunquid sine intermissione genu flectimus, aut manus leuamus? orare hoc p[er]acto sine intermissione non possumus facere. est alia interior oratio sine intermissione, oratio, quæ est desiderium. Si non vis intermittere orare, noli intermittere desiderare, continuum desiderium tuum, continua vox est. tacebis, si amare desistas, flagrantia charitatis, clamor cordis est. Si semper manet charitas, semper clamas; si semper clamas, semper desideras.] & secundum hæc [amat]ur h[oc] bonum non solum, quando habetur, sed etiam quando non habetur. ex amore enim est, quod non habitum desiderio queratur. Etsi amor iam habiti perfeccior sit, hoc causatur ex hoc, quod bonum habet amatum. Aliud est igitur habere bonum, quod est finis, quam amare quod ante

H habe-

a Iсаі c.63. b S. Thom. 1.2. quest. 23. art. 3 c. c 1. 2. quest. 12. art. 3. d ibid. quest. 12.

art. 2. ad 1. e 2. 2. quest. 180. art. 1. c. f S. Augustin. epist. 121. ad Probam c. 9.

g & in Psal. 37. h l. 3. cont. Gent. c 26.

habere est imperfectum, post habere, perfectum.] atque ita [virtus primæ intentionis quæ est respectu vltimi finis, manet in a quolibet appetitu cuiuscunque rei; etiam si de vltimo fine aetatu non cogiterur: sicut non oportet, quod qui vadit per viam, in quolibet passu cogitet de via.] & cum ariditas mystica aliud non sit, quam tedium internum, siue molestia animi, ex carentia actualis amoris erga Deum proueniens; satis facit Tyro spiritualis suo muneri, dum debit is auxilijs, & conatibus sece occupat. Deus Opt. M. namq; non tam sensibilem amorem respicit; quam humilem submissionem ad ea, quæ nobis accidere permiserit. [vnde meo quidem

iudicio b homo verè resignatus, licet aliquin minus extrinsecus agat, minoremque præ se ferat sanctitatem, longè melior est alio quo quis ambulante in mirabilibus super le, & magnam quandam præ se ferente sanctitatem, atque circa multas imagines occupato, minus tamen verae resignationis, & abnegationis adepto.] sicuti etiam auis leviter volans in aëre, non est melior homine, qui laboriosè ambulat in terra. Et quidem hisce in communi statibus incipientiam & proficientium interpositis, cum in illis sæpè hæc practicanda sint; modo ipsos status, & in specie statum aspirationis prosequemur.

a 1. 2. q. 1. a. 6. ad 3. b Taul. serm. 2. in ascens. Dom.

SECUNDVS STATVS MYSTICVS EST ASPIRATIONIS.

DECISIO SEXTA.

PO^TQ^VA^M Animus Mystici à memoria, & affectu cupiditatum sæculi per meditationis studium abductus, & ad diuina humanaq; mysteria deductus fuerit; ita ut ardorem ignis diuini, in sua interioritate continuo succensum perfentiscat, reliquo meditationis explicito modo; ad aspirationis statum transit; quo ita facilius, & magis expeditè inueniat, quem diligit anima eius, pro ut in sequentibus dicetur, &

I. *Quid sit Aspiratio, & quæ eius conditio?*

II. *Aspirationes unde sumenda, & quis ordo in eis seruandus sit.*

III. *Quod aspirationes non nimis multiplicatae transcant in contemplationem.*

IV. *Aspirans quare facile distrahatatur.*

V. *Quod*